



Број/Број: 03-50-1-1034-5-1/09
Сарајево/Sarajevo 31.12.2009. године

ZAPISNIK

5. сједнице Одбора за жалбе грађана Парламентарне скупштине Босне и Херцеговине, одржане 29.12.2009. године

Пету сједницу Одбора за жалбе грађана Парламентарне скупштине БиХ сазвао је предсједник Одбора, Мате Милетић.

Сједници Одбора, у својству чланова, присуствовали су: Амела Башић – прва замјеница предсједника, Борислав Радић – други замјеник предсједника, Даника Берић, Ермин Пешто и Хамида Карчић - чланови, Жељко Грубешић – савјетник у Одбору, те Аида Крехо - привремени секретар Одбора за жалбе грађана Парламентарне скупштине Босне и Херцеговине.

Оправдано одсутан био је Маријан Милићевић.

Сједница Одбора почела је у 13 сати.

Након што је констатирано да постоји кворум, предложен је слjedeћи

DNEVNI RED

1. Усвајање записника с 4. сједнице Одбора за жалбе грађана Парламентарне скупштине Босне и Херцеговине;
2. Анализа досадашњих активности у вези са кореспонденцијом Одбора за жалбе грађана са другим надлежним тијелима;
3. Текућа питања.

Дневни ред је једногласно усвојен.

Ad.1. Usvajanje zapisnika s 4. sjednice Odbora za žalbe građana Parlamentarne skupštine Bosne i Hercegovine

Zapisnik s 4. sjednice Odbora za žalbe *jednoglasno je usvojen.*

Ad.2. Analiza dosadašnjih aktivnosti u vezi sa korespondencijom Odbora za žalbe građana sa drugim nadležnim tijelima

Otvarajući raspravu o ovoj tački Dnevnog reda, Predsjednik je podsjetio članove Odbora na sve aktivnosti koje su dosada preduzete, a vezane za informiranje javnosti o početku rada i aktivnostima Odbora za žalbe građana. Posebno je istaknuo objavu Obavještenja o početku rada Odbora za žalbe građana u Biltenu Vijeća ministara BiH. Također, naglasio je članovima Odbora kako je Obavještenje o početku rada Odbora, upućeno Državnoj agenciji za istrage i zaštitu i Graničnoj policiji BiH postavljeno na vidno mjesto, kako je i traženo, a u što se je lično uvjerio prilikom posjete njihovim uredima, međutim, na pitanje da li su ista Obavještenja postavljena u regionalne urede – nije dobio odgovor.

Članovi Odbora su, u diskusiji koja je uslijedila, naglasili kako je neophodno nastaviti kampanju koja za cilj ima obavještavanje i upoznavanje građana sa djelokrugom i aktivnostima Odbora, te izrazili potrebu za sticanjem iskustva u ovoj oblasti putem prisustvovanja seminarima i obukama, odnosno putem razmjene iskustva sa sličnim odborima u zemljama koje ih imaju. U skladu s tim, više puta je ponovljena potreba za jačom saradnjom sa EUPM-om, odnosno potreba za organiziranjem pomenutih seminara i obuka putem TAIEX programa.

U skladu s tim, Željko Grubešić informirao je članove Odbora da se početkom 2010. godine treba izvršiti imenovanje novog osoblja EUPM-a, zaduženog za praćenje aktivnosti Odbora. Članovi Odbora zadužili su sekretarijat Odbora da, nakon imenovanja osoblja EUPM-a, ugovore održavanje sastanka, na kojem bi se razmatrali načini pomoći Odboru u njegovom daljem radu.

Ad.3. Tekuća pitanja

U okviru ove tačke Dnevnog reda, a razmatrajući rezultate dosadašnjeg rada, članovi Odbora zadužili su privremenog sekretara Odbora da sačini Nacrt izvještaja o radu Odbora, koji će se, nakon što bude potvrđen na Odboru, dostaviti Parlamentarnoj skupštini na usvjanje.

Također, članovi Odbora donijeli su odluku da se na jednoj od narednih sjednica obavezno treba razmatrati Plan rada Odbora za 2010. godinu, te je za izradu Nacrta plana rada zadužen Željko Grubešić.

Sjednica Odbora za žalbe građana Parlamentarne skupštine Bosne i Hercegovine završena je u 14 sati.

Privremeni sekretar
Odbora za žalbe građana
Aida Kreho

Predsjednik Odbora
za žalbe građana
Mate Miletić